

POLELO YA BAPHATLALATŠI BA DITABA YA DITHERIŠANO MAGARENG GA SARS LE MEKGATLO YA BAŠOMI

22 Mei 2022 - Ketapele ya Ditirelo tša Motšhelo tša Afrika Borwa (SARS) e kopane le *National Education Health and Allied Workers Union* (NEHAWU) le *Public Servants Association of South Africa* (PSA) go hwetša tharollo go merero yeo bobedi bja mekgatlo e laodišitšego kganetšano.

Re ile ra rerišana le bobedi bja ketapele ya mekgatlo ya bašomi gore dinyakwa tša bona tša CPI + 7% di tloga di sa fihlelelege gape a e kgonege.

Bjale ka ditheo ka moka tša Mmušo, SARS e amilwe ke ditlhotlo tša ditšhelete tšeo di amago naga, gape ka lebaka leo, ka dikabelo tša ditšhelete go SARS go tšwa go Kgoro ya Matlotlo, ga go na dipeelo tšeo di dirilwego bakeng sa koketšo ya megolo. Ka thakgaselo ya yona ya taolo ya ditšhelete, gape le ditlhommo tše dingwe, SARS e kgona go dira gore tšhelete e hwetšagale go bašomi ka Yuniti ya Dingangišano.

Ditšhelete tše di tšwa go dipolokelo tša ngwagola tša ngwaga wa ditšhelete wa (2021/22) gammogo le dipolokelo tšeo di beetšwego go ngwaga wo wa ditšhelete wa (2022/23) tšeo di dumeletšwego bakeng sa ditshenyagelo tša batho. Khomišinare Kieswetter o boletše gore: “Ke tloga ke le motlotlo gore ka fase ga maemo a thata re kgona go fana ka kimollo ya ditšhelete go bašomi ba rena. Gape ke gopotša bašomi ba rena gore re tloga re tlhoganolefše go ka ba le tšhireletšo ya mošomo ka nako yeo batho ba bantši ba sa šomego gomme ba nago le tšhaparego ya tšhelete.”

Go latela Foramo ya Bosetšhaba ya Ditherišano yeo e bego e kopanetšwe ka Mokibelo, wa la 21 Mei 2022, mekgatlo ya bašomi e ile ya botšwa ka tšhitšhinyo ya Mongmošomo gomme e thomile go rerišana le SARS ka dikgetho tše mmalwa tša go abela ditšhelete tša kimollo go bašomi, gape ka maitekelo a go rarolla dingangišano.

SARS e katološitše semmušo neo ye go Mokgatlo wa Bašomi ka Sontaga, la 22 Mei 2022, ka botlalo le tefelo ya mafelelo ya dingangišano tša go amana le koketšo ya megolo yeo e nyakwago ya Ditherišano tša Megolo tše Kgolo tša 2022/23, ka ntle le theo ya tseba. Mekgatlo ya bašomi e tla rerišana le meloko ya bona go hwetša tagafara, morago ga moo mekgatlo e tla kopana gape go tšwelapele ka ditherišano.

SARS e tšwelapele ka go itlema go tšwelapele ka ditherišano ka ga merero e mmalwa yeo e sego ya ditšhelete magareng ga mekgatlo, go rulaganya le go kaonafatša boleng ka kakaretšo bja ditšhišinyo tša bašomi. Tshepetšo ye e šetše e thomile mo gare ga ngwaga wa go feta.

Ketapele ya SARS e tloga e kgotsofaditšwe ke gore kamano magareng ga mekgatlo ye mebedi ka ga dingangišano e tsošoloditšwe, gomme e dula e na le kago gape e gabotse. Re dula re holofetše gore ka boithaopo bjo re bo neelago, re ka rarolla dingangišano tša

gabjale gomme ra gatela pele ka nepo ya go direla balefela motšhelo le go tšwetšapele tagafara e bohlokwa yeo re e direlago.

Go hwetša tshedimošo enngwe, ikgokaganye le SarsMedia@sars.gov.za

BOFELO